

# Mga Bata ug Kabatan-onan

SA ANG SIMBAHAN NI JESUKRISTO SA MGA SANTOS  
SA ULAHING MGA ADLAW




USA KA PASIUNANG GIYA ALANG SA  
MGA GINIKANAN UG MGA LIDER

**A**mong minahal nga kaigsoonan, Ang kabataan ug kabatan-onan sa Ang Simbahan ni Jesukristo sa mga Santos sa Ulahing mga Adlaw hinigugma nga mga anak sa Dios. Aduna silay potensyal nga makaimpluwensya pag-ayo sa kalibutan.

Ang mga baruganan nga gitudlo niini nga paningkamot alang sa kabataan ug kabatan-onan nagrepresentar og mas taas, mas balaan nga paagi sa pag-awhag sa nag-tubong henerasyon sa pagsunod ni Jesukristo ug sa paggamit sa Iyang ebanghelyo sa tanang aspeto sa ilang kinabuhi. Kining dako nga paningkamot maglakip sa pagkat-on sa ebanghelyo, sa pribilehiyo sa pagserbisyo, personal nga kalamboan, ug makapahinam nga mga kalihokan. Kini nga paningkamot magsugod sa panimalay. Ang mga ginikanan adunay sagrado nga responsibilidad sa pagtudlo sa ilang mga anak diha sa kahayag ug kama-tuoran. Ang mga lider sa Simbahan nagtanyag og bililhong suporta ug giya ngadto sa kabataan, kabatan-onan, ug sa ilang mga pamilya.

Gimahal namo kamo. Kami adunay pagsalig kaninyo. Mosaad kami nga ang atong Amahan sa Langit magpa-dayon sa pagpanalangin ug pagsuporta kaninyo samtang inyong agakon ug giyahan ang Iyang mga anak diha sa pagtuo.

### **Ang Unang Kapangulohan ug Korum sa Napulog Duha ka Apostoles**



## Panan-aw

Palig-onon ang pagtuo sa nagtubo nga henerasyon diha ni Jesukristo, ug tabangan ang kabataan, kabatan-onan, ug ang ilang mga pamilya nga mouswag diha sa dalan sa pakigsaad samtang ilang atubangon ang mga hagit sa kinabuhi.

## Pasiuna

Magtambayayong, ang mga ginikanan ug mga lider motabang sa kabataan ug kabatan-onan nga mapalig-on ang ilang pagkakabig, mahimong takus nga mga disipulo ni Ginoong Jesukristo, ug mahimong mga tawo nga ligdong pinaagi sa:

- **Pagkat-on sa ebanghelyo** nga nagdasig og personal nga pasalig.
- **Pagserbisyo ug mga kalihokan** nga naglig-on sa lawas ug espiritu.
- **Personal nga kalamboan** nga nagmugna og makatagbaw nga pag-uswag.

Ang makagiya nga mga baruganan ug kinatibuk-ang mga tahas nga gilatid dinhi niini nga booklet mahimong mapahaum. Walay usa ka saktong paagi sa paggamit niini. Ang pipila ka ideya ug mga ehemplo anaa sa internet diha sa [ChildrenandYouth.ChurchofJesusChrist.org](http://ChildrenandYouth.ChurchofJesusChrist.org). Pagtinguha og inspirasyon aron masayud unsa ang labing maayo alang sa matag indibidwal (tan-awa sa "Ipahiangay ug Ipahaum").

## Ang Nagtubo nga Henerasyon

Ang mga propeta miingon nga kini nga henerasyon sa kabataan ug kabatan-onan mao ang usa sa labing maayo nga gipadala sa Ginoo sa yuta (tan-awa sa Russell M. Nelson, "Hope of Israel [Paglaum sa Israel]," tibuok kalibutan nga debosyonal alang sa kabatan-onan, Hunyo 3, 2018, 16). Aduna silay potensyal nga makaimpluwensya pag-ayo sa kalibutan. Gidapit sila nga motabang sa pagpundok sa Israel sa matag habig sa tabil. Ang mas taas, mas balaan nga pamaagi ang gikinahanglan sa pag-atiman ug pagpangalagad ngadto kanila. Kini nga pamaagi makatabang sa kabataan ug kabatan-onan nga:

- Mahibalo sa ilang mahangturong pagkatawo ug katuyoan.
- Mapalig-on ang ilang pagkakabig ngadto ni Jesukristo, mapatuhop ang iyang ebanghelyo diha sa ilang mga kasingkasing ug magdasig kanila nga mopili sa pagsunod Kaniya.
- Motuman sa mga katungdanan sa Aaronic nga Pagkapari.
- Makighiusang moapil sa buhat sa kaluwasan.
- Magpalambo sa personal nga paagi uban sa supporta sa ginikanan ug sa mga lider nga motabang kon gikinahanglan.
- Mahimong takus nga motambong sa templo ug makaangkon og malungtarong kalipay diha sa dalan sa pakigsaad.

"ANG DUGAY NA NGA KATUYOAN SA SIMBAHAN MAO ANG PAGTABANG SA TANANG MGA MIYEMBRO NGA MOLAMBO ANG ILANG HUGOT NGA PAGTUO SA ATONG GINOONG JESUKRISTO UG SA IYANG PAG-ULA [UG] SA PAGTABANG KANILA SA PAGBUHAT UG PAGTUMAN SA ILANG MGA PAKIGSAAD UBAN SA DIOS."

PRESIDENTE RUSSELL M. NELSON, "Pasiuna nga Pakigpulong,"  
*Liahona*, Nob. 2018, 7






Samtang ang kabataan ug kabatan-onan makadawat og pagpadayag alang sa ilang mga kinabuhi, mag-ugmad og mga relasyon nga nakasentro sa ebanghelyo, ug mogamit sa kabubut-on samtang magtubo sila, magmalampuson sila sa pagkab-ot niini nga mga katuyoan.

## Magtinguha nga Mosunod sa Manluluwas

Sa Iyang kabatan-on, si Jesus kinahanglang makakat-on sa Iyang balaang pagkatawo ug misyon, sama sa buhaton sa matag anak sa Dios. Siya “mitubo sa kaalam ug sa gidak-on, ug sa kahimuot kaniya sa Dios ug sa tawo” (Lucas 2:52). Nagdako siya sa balanse nga paagi, ug mao usab ang tanan nga kabataan ug kabatan-onan.

Tabangi ang kabataan ug kabatan-onan nga madala ang Manluluwas ngadto sa tanang aspeto sa ilang kinabuhi—dili lang sa Igpapahulay. Samtang maningkamot sila sa paghimo kang Jesukristo nga sentro sa ilang kinabuhi, misaad Siya nga mopadala sa Espiritu Santo aron ilang maghuhupay ug giya.

Sa gimithing paagi, ang pagsunod sa Manluluwas mag-sugod sa panimalay. Ang mga lider sa Simbahan maka-hatag og importanting suporta alang sa mga indibidwal ug mga pamilya.



*“Si Jesus mitubo sa kaalam ug sa gidak-on ug sa kahimuot kaniya sa Dios ug sa tawo.”*

LUCAS 2:52

## Nakasentro sa Panimalay

Ang mga ginikanan magplano og mga kasinatian sa pamilya ug mga pag-istoryahanay nga matudlo ang ebanghelyo ni Jesukristo ug matubag ang talagsaong panginahanglan sa matag bata. Mahitabo kini samtang ang mga pamilya magdungan sa pagtrabaho ug pagdula sa mga paagi nga matudlo og importanting mga kahanas, makalig-on sa kinaiya, ug makahatag og mga oportunidad sa paglambo.

### lawhag ang Pag-uswag

- Mag-ampo alang sa giya. Ang Langitnong Amahan nakaila sa inyong mga anak ug motabang kaninyo sa pagtudlo kanila.
- Tabangi ang inyong mga anak sa pagtinguha ug pagila sa impluwensiya sa Espiritu Santo.
- Pagpahayag og gugma ug dayega kanunay ang inyong mga anak sa ilang mga paningkamot nga mobuhat og maayo ug sa Kristohanon nga mga kinaiya nga inyong nakita diha kanila.
- Pangita og mga oportunidad nga makaserbisyo sa uban isip tibuok pamilya.

### Paghatag og Giya

- Tabangi ang imong mga anak nga makasabut kon unsaon nila sa paggamit ang ebanghelyo diha sa tanang aspeto sa ilang kinabuhi.
- Giyahi ang inyong mga anak ug awaha sila sa paghimo og kaugalingon nilang mga tumong ug mga plano.
- Tabangi sila nga makahunahuna og ilang kaugalingong mga solusyon sa mga problema.
- Pagtanyag og suporta, tabang, ug pagdasig samtang magbuhat sila niini.

### Pakigsulti sa mga Lider

Pakigsulti sa mga magtutudlo ug mga lider sa pagtino kon unsaon nila nga labing maayong makasuporta sa inyong mga anak. Pagmatngon nga dili mabutyag ang kompidensyal nga impormasyon sa inyong mga anak o maulawan sila.

“PANAHON NA ALANG SA NAKASENTRONG SA PANIMALAY NGA SIMBAHAN, GISUPORTAHAN SA UNSA ANG GIPANGBUHAT SULOD SA ATONG BRANCH, WARD, UG STAKE NGA MGA GAMBALAY [BUILDING].”

PRESIDENTE RUSSELL M. NELSON, “Pasiuna nga Pakigpulong,” *Liahona*, Nob. 2018, 7





## Gisuportahan sa Simbahan

Ang tahas sa Simbahan naglakip sa pagtudlo sa ebanghelyo ni Jesukristo, pagpahigayon sa mga ordinansa, ug pagsuporta sa panimalay. Ang mga lider ug mga magtutudlo mosuporta sa mga ginikanan pinaagi sa pag-establisar og lig-on, makaamuma nga mga relasyon uban sa kabataan ug kabatan-onan nga ilang serbisyohan.

### Pakigsulti sa mga Ginikanan

- Pakigsulti sa mga ginikanan sa dili pormal nga paagi aron masuta unsaon sa pagsuporta sa ilang mga anak. Ipaambit ang mga kalig-on nga imong namatikdan.
- Pangutan-a kon unsay ilang gilauman nga masinati ug makat-unan sa ilang mga anak diha sa mga korum sa Aaronic nga Pagkapari, sa mga klase sa Young Women, ug sa mga kalihokan.

Kon ang mga ginikanan dili aktibong mga miyembro sa Simbahan:

- Ipasabut sa mga ginikanan kini nga paningkamot sa pagsuporta sa kabataan ug kabatan-onan, ug pangutan-a kon gusto ba nila ug sa unsang paagi nila gusto nga moapil ang ilang mga anak.
- Pangutan-a ang kabataan o kabatan-onan unsa nga matang sa suporta ang ilang gusto.
- Pakigsulti sa konseho sa ward mahitungod sa paagi nga malakip ang mga ginikanan kutob sa mahimo.

### Suportahi ang Kabataan ug Kabatan-onan

- Tabangi ang kabataan ug kabatan-onan nga makaila sa impluwensiya sa Espiritu Santo.
- Pangutan-a sila kon unsay gusto nilang makat-unan ug masinati diha sa mga korum ug mga klase ug sa mga kalihokan.
- Awhaga sila nga maoy mangulo sa pagplano ug pagpahigayon og mga kalihokan.
- Suportahi ang mga naghupot sa Aaronic nga Pagkapari sa pagtuman sa mga responsibilidad sa korum.

### NAKASENTRONG SA PANIMALAY (Pamilya)

Pagkat-on sa  
Ebanghelyo

Serbisyo  
ug Mga  
Kalihokan

Personal nga  
Kalamboan

### GISUPORTAHAN SA SIMBAHAN (Mga Lider)

Pangita og mga kapanguhaan diha sa  
[ChildrenandYouth.ChurchofJesusChrist.org](http://ChildrenandYouth.ChurchofJesusChrist.org).

# Pagkat-on sa Ebanghelyo

## Diha sa Panimalay

Ang personal ug tibuk pamilya nga pagtuon sa kasulatan ug pag-ampo makatabang sa kabataan ug kabatan-onan nga mobati ug moila sa impluwensya sa Espiritu Santo ug makat-on sa paghigugma sa Manluluwas. Ang mga indibidwal ug mga pamilya giawhag sa paggamit sa *Dali, Sunod Kanako--Alang sa mga Indibidwal ug mga Pamilya* ug sa mga pulong sa buhing mga propeta sa pagtuon sa ebanghelyo ni Jesukristo.

## Diha sa Simbahan

Ang kabataan ug kabatan-onan magpundok aron magkat-on sa ebanghelyo ni Jesukristo. Ang mga bata makakat-on sa ebanghelyo pinaagi sa pagpanudlo sa klase ug panahon sa pagpa-nganta sa Primary. Ang kabatan-onan magkat-on sa doktrina diha sa mga klase ug sa mga korum. Ang kabataan ug kabatan-onan gidapit sa pagpaambit sa unsay ilang nakat-unan sa panimalay ug sa paggamit sa ebanghelyo diha sa ilang kinabuhi.



## Nakasentro sa Panimalay

Pag-ampo  
Pagtuon sa kasulatan  
Home evening  
Adlawng Igpapahulay  
Family history

## Gisuportahan sa Simbahan

Instruksyon sa Igpapahulay  
Seminary



Pangita og mga kapanguhaan diha sa [ComeFollowMe.ChurchofJesusChrist.org](https://ComeFollowMe.ChurchofJesusChrist.org).



# Pagserbisyo ug mga Kalihokan

## Diha sa Panimalay

Ang pagserbisyo ug ang mga kalihokan moestablisar og matarung nga inadlaw nga mga kinaiya, mag-ugmad og mga relasyon sa pamilya, motudlo og mga kahanas sa kinabuhi, mopalambo og Kristohanong mga hiyas, ug motabang sa kabataan ug kabatan-onan nga molambo. Ang pagserbisyo ug ang mga kalihokan sa pamilya mahimong motutok sa mga panginahanglan sa indibidwal ug pamilya ug mohatag og mga oportunidad sa paggamit sa mga baruganan sa ebanghelyo diha sa inadlaw-adlaw nga mga kasinatian.

## Diha sa Simbahan

Ang pagserbisyo—lakip ang pagpahigayon sa ordinansa sa sakramento sa mga nag-hupot sa Aaronic nga Pagkapari—ug regular nga mga kalihokan naghatag og mga oportunidad sa pagpundok, pagkat-on og bag-ong mga kahanas, paghimo sa lisud nga mga buluhaton, ug pag-ugmad og mga relasyon sa mga higala ug mga lider nga nakasentro sa ebanghelyo. Kini nga mga oportunidad motabang sa kabataan ug kabatan-onan nga molambo sa espiritwal, sosyal, pisikal, ug intelektwal nga paagi ug mohatag og makahuluganong serbisyo ngadto sa uban. Ang Just-Serve (JustServe.org) maoy





## Personal nga Kalamboan

### Diha sa Panimalay

Ang kabataan ug kabatan-onan mopili sa unsay ilang mabuhat aron molambo ug magkat-on sa pagsunod sa Manluluwas. Ang mga ginikanan makatabang kanila sa pag-ila kon sa unsang paagi na sila naglambo ug diin sila kinahanglan nga molambo pa. Ang tanang kalihokan, lakip sa simbahan, eskwelahan, panaghigalaay, mga dula, mga art, trabaho, ug ubang indibidwal nga mga interes makatabang

sa kabataan ug kabatan-onan sa pagsunod kang Jesukristo.

### Diha sa Simbahan

Ang mga lider nahigugma ug moserbisyo sa matag bata ug batan-on ug mahibalo sa ilang mga panginahanglan ug mga interes. Pinaagi sa mahigugmaong mga relasyon, ang mga lider makahatag og talagsaon ug gamhanang impluwensya sa pagsuporta ug pagdasig sa kabataan ug kabatan-onan sa ilang indibidwal nga serbisyo ug pag-uswag.

Personal nga Kalamboan

### Nakasentro sa Panimalay

Personal nga mga tumong  
Pamilya nga mga tumong  
Giya  
Pag-awhag  
Gugma

### Gisuportahan sa Simbahan

Giya  
Pag-awhag  
Mga ideya sa mga tumong  
Mga kapanguhaan sa ward

Pangita og mga kapanguhaan alang sa mga kalihokan ug mga tumong diha sa [ChildrenandYouth.ChurchofJesusChrist.org](http://ChildrenandYouth.ChurchofJesusChrist.org).

usa ka bililhong kapanguhaan alang sa mga oportunidad sa pagserbisyo sa komunidad.

Ang mga kalihokan alang sa kabatan-onan nga molungtad og pipila ka adlaw naglakip sa mga komperensya sa For the Strength of Youth (FSY), mga komperensya sa kabatan-onan, mga kamping, ug uban pang panagpundok. Kini nga mga kalihokan makatabang sa kabatan-onan nga mapalig-on ang ilang tinguha nga mosunod sa Manluluwas, mobira kanila gikan sa ilang naandan nga mga buluhaton, ug motabang kanila nga makasabut nga parte sila sa mas dakong pundok sa kabatan-onan kinsa adunay managsamang matarung nga mga tumong.

Serbisyo ug Mga Kalihokan

### Nakasentro sa Panimalay

Home evening  
Pagserbisyo sa pamilya  
Mga kalihokan sa pamilya  
Pagpangalagad

### Gisuportahan sa Simbahan

Ordinansa sa sakrament  
Mga ideya sa pagserbisyo ug mga kalihokan  
JustServe  
Mga kalihokan nga molungtad og pipila ka adlaw  
Mga buluhaton sa pagpangalagad



## Ipahiangay ug Ipahaum

Ang matag indibidwal, pamilya, ug kongregasyon talagsaon. Ang unsay labing epektibo alang sa usa ka tawo tingali dili epektibo sa lain. Buhata ang unsay epektibo alang sa inyong pamilya, klase, korum, o ward. Hisguti ang inyong mga oportunidad ug mga kabalaka, ug pagtinguha og pagpa-dayag kon unsaon sa

pagpahaum niini nga inis-yatibo aron sa pagtabang sa tagsa-tagsa ka mga bata ug mga batan-on nga makab-ot ang ilang balaanong potensyal.

Sama pananglit, ang kabataan ug kabatan-onan magkalahi kon unsa ang paagi sa ilang personal nga pag-uswag: ang matang, gidaghanon, ug kasagad sa mga tumong,

ingon man kon unsa ka dako ang gikinahanglan nilang suporta, kinahanglang tinoon sa tagsa-tagsa. Ang mga klase ug mga korum mopahiangay usab aron matubag ang mga panginahanglan. Agig dugang, ang matang ug kasagad sa mga kalihokan mahimong magkalahi sumala sa lokal nga mga kahimtang.



PAGTINGUHA OG  
PAGPADAYAG  
TUBAGA ANG  
INDIBIDWAL NGA MGA  
PANGINAHANGLAN  
BUHATA ANG UNSAY  
EPEKTIBO  
IPASAYON

*Himoa kining yano. Buhata ang unsay epektibo.*

Pangita og mga kapanguhaan diha sa [ChildrenandYouth.ChurchofJesusChrist.org](http://ChildrenandYouth.ChurchofJesusChrist.org).

“ANG MENSAHE  
SA GIPAHILU NI  
EBANGHELYO NI  
JESUKRISTO MAO  
NGA KITA MAKALAUM  
UG KINAHANGLANG  
MAGLAUM NGA  
MAHIMONG MAS MAAYO  
SAMTANG BUHI PA.”

PRESIDENTE HENRY B. EYRING, “Ang Atong  
Hingpit nga Ehempto,” *Liahona*, Nob. 2009, 70

“MAKAKAPLAG KITA OG  
TINUOD UG MOLAHUTAY  
NGA KALIPAY PINAAGI  
SA PAGKAHIBALO  
UG PAGLIHOK SA  
KAMATUORAN KON  
KINSA KITA.”

PRESIDENTE DALLIN H. OAKS, “Kamatuoran  
ug ang Plano,” *Liahona*, Nob. 2018, 26

Pangita og mga kapanguhaan diha sa [ChildrenandYouth.ChurchofJesusChrist.org](http://ChildrenandYouth.ChurchofJesusChrist.org).

## Pagdasig ug Pag-ila


### Pagdasig

Ang kabataan ug kabatan-onan natural nga madasig samtang mobati sila nga gihigugma, nagtubo, naglambo, ug mobati sa Espiritu Santo diha sa ilang kinabuhi. Kon ang kausaban ug pag-uswag mahimong lisud alang kanila, awaha sila sa pagpangita og mga paagi sa pagbuntog sa mga hagit o sa pag-usab sa ilang mga plano. Ang lig-on ug masaligon nga mga relasyon uban sa mga ginikanan, mga lider, ug mga kaedad makahatag kanila og kalig-on nga magpadayon sa pagpaningkamot.

### Pag-ila

Samtang nag-uswag ang kabataan ug kabatan-onan, dayega ang ilang mga paningkamot ug dasiga sila. Hatagi sila og mga oportunidad sa pagpaambit sa unsay ilang nakat-unan, ug sauloga ang ilang pag-uswag. Agig dugang, ang tanang kabataan ug kabatan-onan mahimong modawat og mga butang sama sa singsing o medalyon sa pagpahinumdom kanila nga parte sila sa usa ka grupo sa tibuok kalibutan nga naningkamot sa pagsunod ni Jesukristo. Samtang ang kabataan ug kabatan-onan mokab-ut

sa espiritwal, sosyal, pisikal, ug intelektwal nga mga tumong, mahimo silang makadawat og dugang nga mga simbolo.



PAMINAW  
DAYEGA ANG PANINGKAMOT  
SAULOGA ANG PAG-USWAG  
PAGKAT-ON GIKAN SA  
MGA KAPAKYASAN

# Panimalay ug mga Ginikanan

## Unsa man ang akong tahas?

Pagpakita og matarung nga ehemplo ngadto sa imong mga anak. Tudloi sila unsaon sa pag-uswag diha sa tanang aspeto sa ilang kinabuhi. Pangita og mga paagi sa pagtabang kanila nga makakat-on sa kalipay sa pagsunod sa mga pakigsaad, pagdiskubre og bag-ong mga talento, ug pagbuhat sa lisud nga mga butang. Tabangi ang imong pamilya nga mas mapadulong ngadto sa Langitnong Amahan ug ni Jesu-kristo ug magsunod sa

ebanghelyo sa inadlaw-adlaw nga kinabuhi.

## Unsa man ang akong buhaton?

Pahibaloa ang imong mga anak kon unsa nimo sila kamahal. Ilambigit ang imong kaugalingon sa ilang mga kinabuhi. Ilha sa mainampoong paagi ang ilang indibidwal nga mga panginahanglan ug pagplano og pagtuon sa ebanghelyo ug mga kalihokan nga motubag niadto nga mga panginahanglan. Ipaambit kanunay ang imong pagpamatuod ngadto kanila. Pakigsulti sa mga lider

kon sa unsang paagi sila makatabang sa pagsuporta sa imong mga anak.

## Asa man ko magsugod?

Padayon sa pagpakigsulti ug pagpaminaw sa imong mga anak. Pag-ampo kon unsaon nimo sa pagsuporta kanila. Tabangi sila sa pagdiskubre ug pagsugod sa pagpaningkamot sa mga aspeto sa pagkat-on nga interesado sila. Sugdi o ipadayon ang pag-ampo sa pamilya, pagtuon sa ebanghelyo, mga oportunidad sa pagserbisyo, ug mga kalihokan sa pagtabang sa imong mga anak nga mouswag.




PAGPAHAYAG OG GUGMA  
PAGPAKITA OG EHEMPLO  
PAGTINGUHA OG  
PAGPADAYAG  
PAGTUDLO OG MGA  
KAHANAS SA KINABUHI  
SAULOGA ANG PAG-USWAG  
DAYEGA ANG  
PANINGKAMOT

Pangita og mga kapanguhaan diha sa [ChildrenandYouth.ChurchofJesusChrist.org](http://ChildrenandYouth.ChurchofJesusChrist.org).

"WALAY LAING BUHAT  
NGA MAS IMPORTANTE  
KAY SA MATARUNG,  
MAINAMPINGONG  
PAGKAGINIKANAN!"

PRESIDENTE RUSSELL M. NELSON, "Ang  
Igpapahulay Usa ka Kahimut-an," *Liahona*,  
Mayo 2015, 131





**“ANG LABING BILIHONG  
MGA BAHANDI SA YUTA  
UG SA LANGIT MAO ANG  
ATONG MGA ANAK UG  
ATONG KALIWATAN.”**

PRESIDENTE DALLIN H. OAKS, “The Great Plan of Happiness,” *Ensign*, Nob. 1993, 75

Pangita og mga kapanguhaan diha sa [Primary.ChurchofJesusChrist.org](http://Primary.ChurchofJesusChrist.org).

## Mga Lider ug mga Magtutudlo sa Primary

### Unsa man ang akong tahas?

Higugmaa ug lig-ona ang mga bata. Abagi ang mga ginikanan sa pagtabang sa mga bata nga mobati sa gugma sa Langitnong Amahan alang kanila, makasabut sa ebanghelyo ni Jesukristo, mobati ug moila sa impluwensya sa Espiritu Santo, ug mangandam sa paghimo ug pagtuman sa sagra-dong mga pakigsaad.

### Unsa man ang akong buhaton?

Siguroha nga ang mga klase ug panahon sa pagpanganta sa Primary makatabang sa mga bata nga mobati sa Espiritu, mapalambo ang pagtuo, ug mobati sa kalipay sa ebanghelyo ni Jesukristo diha sa ilang kinabuhi. Gamit ang mga aspeto sa pag-uswag nga gisugyot diha sa Lucas 2:52 isip usa ka giya, pagplano og makalingaw ug makapa-interes nga pagserbisyo ug mga kalihokan nga mag-ugmad og mga

pagpamatuod, moligon sa mga pamilya, ug mopasiugda og panag-hiusa ug personal nga pag-uswag.

### Asa man ko magsugod?

Ila-ilaha ang mga bata ug ang ilang mga pamilya, ug pangalagari ang ilang mga panginahanglan. Isip kapangulohan sa Primary, pangutana sa mainampo-ong paagi unsaon nimo sa pagtabang ang inyong mga magtutudlo, mga lider sa musika, ug mga lider sa kalihokan sa pagtabang sa mga bata nga mosunod sa Manluluwas.



ITUDLO ANG BALANONG  
PAGKATAWO  
GAMITA ANG EBANGHELYO  
PAG-UGMAD OG  
MGA RELASYON  
PAGTUDLO OG MGA  
PAKIGSAAD  
PAGTUDLO OG MGA  
KAHANAS SA KINABUHI

## Mga Lider sa Young Women

### Unsa man ang akong tahas?

Tabangi ang mga ginikanan ug bishopric sa paggiya ug pagdasig sa batan-ong mga babaye nga makasabut sa ilang pagkatawo isip mga anak sa Dios, mangandam alang sa mga pakigsaad sa templo, ug motuman sa ilang balaanong mga katuyoan. Giyahi ang mga kapangulohan sa klase samtang sila mangulo, mangalagad, ug moserbisyo sa mga sakop sa ilang mga klase.

### Unsa man ang akong buhaton?

Pagpakita og ehemplo isip usa ka disipulo ni Jesukristo. Giyahi ang mga kapangulohan sa klase samtang mainam-poon silang magplano ug motabang sa pagtudlo sa mga leksyon gikan sa *Dali, Sunod Kanako—Alang sa Young Women*. Awhaga sila nga mangulo sa pagplano ug pagpahigayon og pagserbisyo ug mga kalihokan nga makatabang sa batan-ong mga babaye nga mouswag sa tanang aspeto sa ilang kinabuhi. Pagtanyag og

dugang suporta ngadto sa batan-ong mga babaye nga nagkinahanglan niini.

### Asa man ko magsugod?

Ilha ang batan-ong mga babaye sa tinagsa-tagsa. Pakigsulti sa batan-ong mga babaye, sa ilang mga ginikanan, ug sa bishopric kon sa unsang paagi nga makasuporta ka sa pag-uswag sa batan-ong mga babaye. Pag-ampo aron masayud kon sa unsang paagi ka makatabang nga magmalampuson ang imong mga kapangulohan sa klase sa ilang mga calling.



ITUDLO ANG BALANONG PAGKATAWO  
TUMANA ANG BUHAT SA KALUWASAN  
PANGANDAM ALANG SA BALANONG MGA TAHAS  
PAGPALAMBO OG KALIG-ON  
PAGTUDLO OG MGA KAHANAS SA KINABUHI

Pangita og mga kapanguhaan diha sa [YoungWomen.ChurchofJesusChrist.org](http://YoungWomen.ChurchofJesusChrist.org).



AKO USA KA  
HINIGUGMANG ANAK  
NGA BABAYE SA  
LANGITNONG MGA  
GINIKANAN NGA  
ADUNAY KINAIYA  
SA PAGKADIOS UG  
MAHANGTURONG  
PADULNGAN.



PAKIG-UBAN KANILA.  
 IKONEKTAR SILA  
 SA LANGIT.  
 TUGOTI SILA NGA  
 MANGULO.

Pangita og mga kapanguhaan diha sa [YoungMen.ChurchofJesusChrist.org](http://YoungMen.ChurchofJesusChrist.org).

## Mga Lider sa Aaronic nga Pagkapari

### Unsa man ang akong tahas?

Tabangi ang mga ginikanan ug ang bishopric sa pag-andam sa batan-ong mga lalaki alang sa pagkaorden ngadto sa mga katungdanan sa pagkapari, sa mga pakigsaad sa templo, mga misyon, ug balaanong mga tahas. Dasiga sila nga makasabut sa ilang katuyoan ug pagkatawo isip mga anak sa Dios. Giyahi ang mga kapangulohan sa korum samtang sila mangulo, mangalagad, ug moserbisyo sa mga sakop sa ilang mga korum ug samtang sila mopahigayon sa ordinansa sa sakramento.


### Unsa man ang akong buhaton?

Pagpakita og ehemplo isip usa ka disipulo ni Jesukristo. Giyahi ang mga kapangulohan sa korum samtang mogamit sila sa ilang mga yawe, mopahigayon sa ordinansa sa sakramento, ug mainampoong magplano ug motabang sa pagtudlo sa mga leksyon gikan sa *Dali, Sunod Kanako—Alang sa Young Men*. Tabangi sila sa pagplano ug pagpahigayon og pagserbisyo ug mga kalihokan nga makatabang sa batan-ong mga lalaki nga mouswag sa tanang aspeto sa ilang kinabuhi. Tugoti sila nga mangulo. Pagtanyag og

dugang suporta ngadto sa batan-ong mga lalaki nga nagkinahanglan niini.

### Asa man ko magsugod?

Paggahin og panahon uban sa batan-ong mga lalaki. Ilha ug higugmaa sila sa tinagsa-tagsa. Pakigsulti sa bishopric, sa batan-ong mga lalaki, ug sa ilang mga ginikanan aron sa pagtino kon sa unsang paagi ka makasuporta kanila samtang magdako sila nga mahimong mas sama sa Manluluwas. Pag-ampo aron masayud kon sa unsang paagi ka makatabang sa imong mga kapangulohan sa korum sa paggamit sa ilang mga yawe ug magmalampuson sa ilang mga calling.



ITUDLO ANG MGA  
 KATUNGDANAN SA  
 PAGKAPARI  
 TUMANA ANG BUHAT  
 SA KALUWASAN  
 PANGANDAM ALANG SA  
 BALANG MGA TAHAS  
 PAGPALAMBO OG KALIG-ON  
 PAGTUDLO OG MGA  
 KAHANAS SA KINABUHI

## Mga magtutudlo sa Sunday School

### Unsa man ang akong tahas?

Paningkamot sa pagtabang sa kabatan-onan nga moduol ngadto kang Kristo pinaagi sa pagkat-on ug pagsunod sa Iyang doktrina. Tudloi ang kabatan-onan nga makasabut, mopaambit, ug mosunod sa ebanghelyo ni Jesukristo.

### Unsa man ang akong buhaton?

Pagpakita og ehemplo isip disipulo ni Jesukristo, ug tabangi ang kabatan-onan sa paglig-on sa

ilang pagtuo. Awhaga sila sa pagtuon sa mga kasulatan diha sa panimalay—sa tinagsa-tagsa ug uban sa ilang mga pamilya. Tabangi sila sa pag-andam ug pagtudlo sa mga baruganan sa doktrina. Dapita sila sa paggamit sa unsay ilang nakat-unan ngadto sa ilang personal nga paglambo.

### Asa man ko magsugod?

Paningkamot sa pagtudlo sama sa gibuhad sa Manluluwas. Ilha ang kabatan-onan sa tinagsa-tagsa.

Pag-ampo aron masayud unsaon nimo sila pagtabang nga motubo nga mahimong mas sama sa Manluluwas. Lig-ona ang mga sakop sa klase ug ang ilang mga ginikanan sa mga paningkamot sa pagkat-on ug pagtudlo sa ebanghelyo diha sa simbahan ug sa ilang mga panimalay.



LIG-ONA ANG  
PAGPAMATUOD  
ITUDLO ANG DOKTRINA  
PAGTUON SA MGA  
KASULATAN  
PAG-UGMAD OG MATARUNG  
NGA MGA KINAIYA

Pangita og mga kapanguhaan diha sa [SundaySchool.ChurchofJesusChrist.org](http://SundaySchool.ChurchofJesusChrist.org).

“PANGITAA ANG  
PAGTULUN-AN, GANI  
PINAAGI SA PAGTUON  
UG USAB PINAAGI SA  
HUGOT NGA PAGTUO.”

DOKTRINA UG MGA PAKIGSAAD 88:118



"KON MOAPIL KITA SA  
PAGSERBISYO SA UBAN,  
MINOS ANG ATONG  
PAGHUNAHUNA SA  
ATONG KAUGALINGON,  
UG ANG ESPIRITU SANTO  
MAS ANDAM NGA  
MODUOL KANATO."

PRESIDENTE HENRY B. EYRING, "Dinasig nga  
Pagpangalagad," *Liahona*, Mayo 2018, 64



Pangita og mga kapanguhaan diha sa [ChildrenandYouth.ChurchofJesusChrist.org](http://ChildrenandYouth.ChurchofJesusChrist.org).

## Ang Bishopric ug ang mga Kapangulohan sa Korum ug sa Klase

### Unsa man ang ilang tahas?

Ang bishopric mao ang kapangulohan sa Aaronic nga Pagkapari sa ward ug maoy responsable alang sa batan-ong mga babaye ug batan-ong mga lalaki. Ang mga kapangulohan sa mga korum sa Aaronic nga Pagkapari molihok uban sa gitugyan nga mga yawe kon ang mga presidente sa korum gi-set apart. Ang mga kapangulohan sa mga klase sa Young Women molihok ubos sa awtoridad sa pagkapari human sila na-set apart pinaagi sa usa ka sakop sa bishopric.

### Unsa man ang ilang buhaton?

Ang mga kapangulohan kinahanglang maning-kamot nga mahimong tinuod nga mga disipulo ni Jesukristo samtang motabang sila sa matag sakop sa korum o klase nga mobati nga gihi-gugma ug makakaplag og kalipay sa pagsunod sa ebanghelyo. Ubos sa direksyon sa bishopric, ang mga kapangulohan sa mga korum mangulo sa mga naghupot sa Aaronic nga Pagkapari samtang mopahigayon sila sa ordinansa sa sakramento. Ang mga kapangulohan sa mga korum ug mga klase mangulo sa pagpundok sa Israel sa duha ka habig

sa tabil ug sa pag-amuma niadtong nanginahanglan.

### Asa man sila magsugod?


Ang mga kapangulohan makat-on sa ilang mga katungdanan gikan sa Ginoo ug gikan sa ilang mga lider. Mag-ampo sila alang sa mga sakop sa korum o klase ug motino sa ilang mga panginahanglan. Mosuporta sila kanila nga mahimong mga disipulo ni Jesukristo. Magtinambagay sila sa usag-usa kon unsa nga mga leksyon, mga kalihokan, ug pagserbisyo ang mopanalangin ug moligon sa kabatan-onan ug magmugna og panaghiusa sa ilang mga korum o mga klase. Mangalagad.



MANGALAGAD  
MAGTINAMBAGAY  
SA USAG USA  
MAG-UGMAD OG  
PANAGHIUSA  
MOTUMAN SA MGA  
KATUNG DANAN

# Mga Kapanguhaan sa Pagtabang

Ang mobile, web, ug giimprinta nga mga kapanguhaan anaa. Ang mga himan alang sa paghimo og tumong, mga ideya alang sa mga tumong, mga ideya alang sa pagserbisyo ug mga kalihokan sa panimalay ug sa simbahan, mga giya alang sa kasiguroan, ug mga instruksyon mahimong magamit sa mga ginikanan, hingkod nga mga lider, mga kapanguloan sa korum ug klase, ug kabatan-onan.



## Mobile App: Gospel Living

Ang Gospel Living nga mobile app (iOS ug Android) gidesinyo aron nga makadasig, makapaapil, makalingaw, ug magamit sa inadlaw-adlaw nga kinabuhi. Nag-suporta kini sa kinabuhi nga nakasentro diha kang Kristo pinaagi sa:

- Makadasig nga sulod
- Mga pahinumdom
- Mga ideya sa kalihokan
- Komunikasyon
- Pagsulat sa journal
- Personal nga mga tumong

Siksika ang Apple app store ug Android app marketplace alang sa Gospel Living (Church of Jesus Christ).



## Web: ChildrenandYouth .ChurchofJesusChrist.org

Ang Children and Youth development website naghatag og mga kapanguhaan sa pagsuporta sa mga ginikanan, kabataan, ug mga lider.

- Mga kapanguhaan sa ginikanan ug pamilya
- Mga kapanguhaan ug mga ehemplo kon unsaon sa pagsuporta ug pag-awhag sa kabataan ug kabatan-onan
- Mga kapanguhaan sa kalihokan sa Primary
- Mga giya, mga ehemplo, ug mga ideya sa pagserbisyo ug mga kalihokan
- Mga ehemplo ug mga ideya sa personal nga paglambo (tumong)
- Mga kapanguhaan sa pagbansay sa kapanguloan sa klase ug korum
- Ma-download nga mga bersyon sa naimprinta nga mga materyal



## Naimprinta: Pagpalambo sa Kabataan ug Kabatan-onan

Kon makatabang, adunay naimprinta nga mga booklet nga mosuporta sa mga baruganan sa pagpalambo sa Kabataan ug Kabatan-onan ug motabang sa kabataan ug kabatan-onan sa paghimo og mga plano alang sa personal nga paglambo.

## Padayon diha sa Dalan sa Pakigsaad

Samtang ang kabatan-onan mouswag ngadto sa sunod nga hugna sa ilang kinabuhi, ang Relief Society ug ang elders quorum mohatag og mas daghang oportunidad sa pagpangita og kalipay ug kalamboan samtang magtambayayong sila nga matuman ang buhat sa kaluwasan.

*"BISAN KANUS-A NGA MOBUHAT KAMO OG BISAN UNSA SA PAGTABANG NI BISAN KINSA—SA MATAG HABIG SA TABIL—NGA MOPADULONG SA PAGHIMO OG MGA PAKIGSAAD SA DIOS . . . , NAGTABANG KAMO SA PAGPUNDOK SA ISRAEL."*

PRESIDENTE RUSSELL M. NELSON, "Paglaum sa Israel," tibuok kalibutan nga debosyonal sa kabatan-onan, Hunyo 3, 2018, 15

## Elders Quorum



## Relief Society



MAGTAMBAYAYONG, ANG MGA  
GINIKANAN UG MGA LIDER  
MOTABANG SA KABATAAN  
UG KABATAN-ONAN NGA  
MAPALIG-ON ANG ILANG  
PAGKAKABIG, MAHIMONG  
TAKUS NGA MGA DISIPULO  
NI GINOONG JESUKRISTO,  
UG MAHIMONG MGA  
TAWO NGA LIGDONG.

ANG SIMBAHAN NI  
**JESUKRISTO**  
SA MGA SANTOS  
SA ULAHING MGA ADLAW

